

Powšitkowne WOZJEWJENJA

njedźelu, 14. junija 2015

Lětni koncert w Radworju

Chór Meja přeprašuje wšitkich zajimcow na swój lětni koncert njedźelu, 14. junija, na zahrodu před Starej cyrkwičku w Radworju. Wot 15.30 hodź. poskići so swačina. Koncert zahaji so w 16 hodź. Lětuši program Mejanow a młodych hosći z Delan steji pod hesłom „Jank a Hanka“. Wšitcy su wutrobnje přeprašeni.

Projektowy dzeń za džěći

Wšitke džěći wot předšulskeje staroby hač do 6. lětnika su sobotu, 27. junija, na projektowy dzeń pod hesłom „Starkmachtag“ do Chrósćic přeprašene. Tutón zarjaduje dekanatne dušepastyrstwo we Worklecach zhromadnje z dušepastyrstwom džěći Drježdžansko-Mišnjanskeho biskopstwa. Dzeń podpěruje Němska biskopska konferenca. Nadrobnosće zhonja zajimcy z plakata we wosadach a z wupołożenych flyerow (hlej tež www.posol.de). Přizjewjenja přijimuju so pisomnje hač do štwórtka, 18. junija, we Worklecach, Młynski puć 4.

Primicne požohnowanje

Kapłan Sebastian Harwardt, syn z Chrósćic pochadźaceje serbskeje maćerje, bu w februaru w Lichtensteinje na měšnika wuswjećeny. Primicne požohnowanje wudžěli wón w Chrósćicach na předwječornych kemšach sobotu, 20. junija, we 18.30 hodź. kaž tež njedźelu, 21. junija, w 7.00, 9.00 a 10.30 hodź. Wšitcy wěriwi su přeprašeni, so wot nowoměšnika požohnować dać.

Klóšterski swjedzeń

Z Božej mšu zahaji so klóšterski swjedzeń njedźelu, 21. junija, w 10.30 hodź. w cyrkwi klóštra Marijineje Hwězdy w Pančicach-Kukowje. Po kemšach wočakuje wopytowarjow pisany program. Mjez druhim wuhotuje tam muski chór Delany koncert. Z ekumeniskim nyšporom w 17.30 hodź. so swjedzeń zakónči.

Za putnikowanje do Krupki so přizjewić

Młodostni wot 16 lět su přeprašeni, wot njedźele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njeprějimuja. Putnicy zetkaja so njedźelu, 5. julija (nic 29. junija, kaž bě to raz planowane), po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

Do Swjateho kraja

Drježdžanski biskopski ordinariat skedźbnja na putnikowanje „Po bibliskich slědach w Swjatym kraju“. Tute wotměje so wot pjatka do pjatka, 18. do 25. septembra. Nawoda budže farar na wuměniku Norbert Jensch z Drježdžan. Zajimcy měli so hač do 3. julija w ordinariaće pod telefonowym čisłom (03 51) 3 36 47 83 přizjewić. Nadrobny program putnikowanja je pod www.posol.de wozjewjeny.

2. Alojsowy festiwal w Radworju

Wjele hosći wočakuja spočatk julija w Radworju. Z młodźinskim festiwalom wot pjatka do njedźele, 3. do 5. julija, wosweća tam narodniny zbóžneho Alojsa Andrickeho. Hłowny organizator je nimo Radworskeje wosady franciskanski pater Paulus Maria Tautz. Wón je tež loňši 1. Alojsowy festiwal sobu přewjedł.

Tak poskići so na přnim dnju wot 19 hodž. koncert z rockowymi skupinami z Jendźelskeje, Nižozemskeje, USA a Němskeje. Mjez druhim wustupi na tutym wječoru Edwin Fawcett ze svojim gospelowym chórom. Tež hiphopowa hudźba Dannyja Fresha zaklinči. Hudźbne wideja jednotliwych sobuskutkowacych móža sej zajimcy na internetowej stronje www.alojsfestival.com wobhladać. Loňši tajki koncert je młodych kaž staršich jara zahorił.

Workshopy wočakuja młodostnych sobotu, 4. julija. Planowane su na přikład workshopy k temam gregorianika, foto, widejo abo zetkanje ze skupinu „YouCat-Cats“. Popołdnu wot 14 hodž. móža młodostni pak kopańcu hrać, w Starej cyrkwičce so modlić abo kabaretistej Peterej Flache připosluchać. Po Božej mši we 18 hodž. sćěhuje „nightfever“.

Njedźelu, 5. julija, budže Boža mša w 9.30 hodž. Kemšam přizamknje so wosadny swjedzeń wokolo cyrkwe. Wšitcy – nic jenož młodostni – su wutrobnje do Radworja přeprošeni.

Eksercicije w Drježdźanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodž. hač do njedźele, 1. nowembra, w 10 hodž. w eksercicijnym Domje Wysoke duby w Drježdźanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedze. Wón budže w němskej rěči přednošować, modlitwy a kěrlušy budu serbske.

Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chrósćicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10. abo z mailku na info@haus-hoheneichen.de.

Putniska jězba do Santiaga de Compostela a Fatimy

Za putnisku jězbu z lětađlom wot pjatka hač do pjatka, 11. do 18. septembra, do Santiaga de Compostela a Fatimy su hišće někotre městna swobodne. Přizjewić móža so zajimcy hač do wutory, 30. junija, pod telefonowymaj čisłomaj (01 63) 7 33 82 05 a (03 57 96) 9 54 28 (po 19 hodž.) abo pola mje w Hórkach, Sydlišćowy puć 2.

Maćij Hadank